



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

R A P O R T
PËR MUAJIN DHJETOR 2011

PËRMBAJTJA

Lënda	Faqe
I. Statistika	
-Numri i të dënuarve me dënime alternative të dhëna nga gjykatat për muajin Dhjetor 2011 .	(1)
- Numri total i të dënuarve me dënime alternative të dhëna nga gjykatat për secilin lloj dënimi alternativ.	(2-3)
- Numri total i të dënuarve me dënime alternative që ndodhen aktualisht nën mbikëqyrjen e Shërbimit të Provës (datë 30.12.2011).	(4)
- Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore	(6)
-Raportet e Vlerësimit me kërkesë të gjykatës dhe prokurorisë.	(7)
II. Bashkëpunimi me partnerët	
-me OJF-të dhe partnerët.	(8)
-me organet e pushtetit qendror dhe pushtetin vendor	(9-10)
III. Problematika e punës.	
- Zyrat e reja Vendore dhe ngarkesa.	(10-11)

I nderuar Zoti Ministër,

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për muajin Dhjetor 2011.

I. Statistika

Për periudhën 01-30 Dhjetor 2011, volumi i punës së kryer nga Shërbimi i Provës ka qenë i madh, duke marrë parasysh faktin që numri i specialistëve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialistë mbikëqyrin, si dhe kërkesat nga gjykatat dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet që pasqyrojnë punën që ka kryer e po kryen institucioni do të jepen me anë të të dhënave si më poshtë:

Për periudhën 01- 30 Dhjetor 2011, statistikat rezultojnë si më poshtë:

1. Numri i të dënuarve me dënime alternative të dhëna nga gjykatat për muajin Dhjetor 2011 .

Në muajin Dhjetor, nga data 01-30.12.2011, kanë ardhur pranë Zyrave Vendore 183 Urdhëra Ekzekutimi nga Prokuroria, që do të thotë se do të mbikëqyren nga Shërbimi i Provës edhe 183 të dënuar më shumë. Gjatë këtij muaji kanë përfunduar dënimin alternativ 87 të dënuar. Këto të dhëna jepen më poshtë sipas Tabelës 1.

Tabela 1. Të dënuarit shtesë në mbikëqyrje nga Shërbimi i Provës për muajin Dhjetor 2011 (01-30.12.2011).

Nr	LLOJI I DËNIMEVE ALTERNATIVE	SHTOHEN	PËRFUNDUAN	TOTALI
1	Pezullimi ... neni 59 i KP	132	63	69
2	Qëndrimi në shtëpi neni 59/a i KP	10	2	8
3	Lirimi me kusht neni 64 i KP	19	12	7
4	Punë në interes publik neni 63 i KP	22	10	12
5	Gjysmëliria neni 58 i KP	0	0	0
TOTALI		183	87	96

Duke ju referuar statistikave, gjatë muajit Dhjetor 2011 janë shtuar për mbikëqyrje 183 të dënuar dhe kanë përfunduar periudhën e mbikëqyrjes 87 të dënuar. Nga kjo del se rritja e ngarkesës për periudhën 01-30 Dhjetor 2011 është 96 të dënuar vetëm për mbikëqyrje.

Për periudhën 01 Qershor 2009 – 30 Dhjetor 2011, statistikat rezultojnë si më poshtë:

2. Numri total i të dënuarve me dënime alternative të dhëna nga gjykatat për secilin lloj dënimi alternativ.

Numri total i të dënuarve me dënime alternative që janë mbikëqyrur nga Shërbimi i Provës në të gjithë vendin, për periudhën, nga data **01.06.2009 deri më datë 30.12.2011**, është **4536** të dënuar. Nga këta, **78** të dënuar janë shtetas të huaj dhe me vendbanim jashtë territorit të Republikës së Shqipërisë për të cilët Shërbimi i Provës zbaton rregullat e “Konventës Europiane për mbikëqyrjen e personave të dënuar ose të liruar me kusht”, duke bashkëpunuar me Ministrinë e Drejtësisë.

Nga 01.06.2009 - 30.12.2011, kanë përfunduar periudhën e provës nën mbikëqyrjen e Shërbimit të Provës **878** të dënuar, pra ka përfunduar me sukses procesi i mbikëqyrjes për ta.

Statistikat për periudhën **01.06.2009 – 30.12.2011**, për secilin lloj dënimi alternativ, për të dënuarit e mbikëqyrur nga Shërbimi i Provës, janë si më poshtë:

- **3547** persona janë dënuar nga gjykata duke u aplikuar neni 59 i KP “pezullim i ekzekutimit të vendimit me burgim dhe vënia në provë”, shifër kjo e barabartë me **78.05 %** të të gjithë të dënuarve me dënime alternative.
- **107** persona janë dënuar nga gjykata duke u aplikuar neni 59/a i KP “qëndrim në shtëpi”, shifër kjo e barabartë me **2.35 %** të të gjithë të dënuarve me dënime alternative.
- **461** persona janë dënuar nga gjykata duke u aplikuar neni 64 i KP “Lirim me kusht”, shifër kjo e barabartë me **10.24 %** të të gjithë të dënuarve me dënime alternative.
- **420** persona janë dënuar nga gjykata duke u aplikuar neni 63 i KP “Pezullim i ekzekutimit të vendimit me burgim dhe detyrimi për kryerjen e një pune në interes publik”, shifër kjo e barabartë me **9.36 %** të të gjithë të dënuarve me dënime alternative.

- 1 person është dënuar nga gjykata duke aplikuar nenin 58 të KP "gjysmëliria", shifër kjo e barabartë me 0.02 % të të gjithë të dënuarve me dënime alternative.

Këto të dhëna pasqyrohen më poshtë, në Tabelën 2.

Tabela 2: Numri i të dënuarëve sipas llojeve të dënimeve alternative të dhëna nga Gjykata për periudhën 01.06.2009 - 30.12.2011.

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	3547	78.20%
2	Qëndrimi në shtëpi neni 59/a i KP	107	2.36%
3	Lirimi me kusht neni 64 i KP	461	10.17%
4	Punë në interes publik neni 63 i KP	420	9.25%
5	Gjysmëliria neni 58 i KP	1	0.02%
TOTALI		4536	100%

Për periudhën 01.06.2009 - 30.12.2011 numri i të dënuarve me "punë në interes publik" është 420, ndërsa pas përfundimit të këtij dënimi për 313 të dënuar, Shërbimi i Provës ka nën mbikëqyrje 107 të dënuar.

3. Numri total i të dënuarve me dënime alternative që ndodhen aktualisht nën mbikëqyrjen e Shërbimit të Provës (datë 30.12.2011).

Numri total i të dënuarve që ndodhen aktualisht nën mbikëqyrjen e Shërbimit të Provës (duke zbritur numrin e atyre që kanë përfunduar dënimin alternativ) është **3658 të dënuar**.

I ndarë sipas llojeve të dënimeve alternative, ky numër jepet në Tabelën 3.

Tabela 3. Të dënuarët që janë aktualisht nën mbikëqyrjen e Shërbimit të Provës (datë 30.12.2011).

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	3084	84.30%
2	Qëndrimi në shtëpi neni 59/a i KP	55	1.50%
3	Lirimi me kusht neni 64 i KP	412	11.26%
4	Punë në interes publik neni 63 i KP	107	2.94%
5	Gjysmëliria neni 58 i KP	0	0 %
TOTALI		3658	100%

I ndarë sipas Zyrave Vendore (duke llogaritur dhe të dënuarit që kanë përfunduar dënimin alternativ):

- Në territorin që shtrin kompetencat Zyra Vendore Tiranë mbikëqyren në komunitet nga Shërbimi i Provës **1456** të dënuar me dënime alternative.
- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës **344** të dënuar me dënime alternative.
- Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës **526** të dënuar me dënime alternative.
- Në territorin që shtrin kompetencat Zyra Vendore Shkodër mbikëqyren në komunitet nga Shërbimi i Provës **605** të dënuar me dënime alternative.
- Në territorin që shtrin kompetencat Zyra Vendore Lezhë mbikëqyren në komunitet nga Shërbimi i Provës **259** të dënuar me dënime alternative.
- Në territorin që shtrin kompetencat Zyra Vendore Elbasan mbikëqyren në komunitet nga Shërbimi i Provës **207** të dënuar me dënime alternative.

- Në territorin që shtrin kompetencat Zyra Vendore Korçë mbikëqyren në komunitet nga Shërbimi i Provës **180** të dënuar me dënime alternative.
- Në territorin që shtrin kompetencat Zyra Vendore Gjirokastrë mbikëqyren në komunitet nga Shërbimi i Provës **80** të dënuar me dënime alternative.

4. Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore.

Sa më sipër duke ju referuar numrit total të të dënuarve me dënime alternative që mbikëqyren nga Shërbimi i Provës prej **3658** të dënuarish, numri mesatar i të dënuarve që mbikëqyren nga një punonjës në nivel vendi aktualisht është **121**. E shprehur kjo për çdo zyrë vendore është si më poshtë:

- Zyra Vendore Tiranë ka nën mbikëqyrje **145** të dënuar për çdo punonjës.
- Zyra Vendore Durrës ka nën mbikëqyrje **114** të dënuar për çdo punonjës.
- Zyra Vendore Fier ka nën mbikëqyrje **87** të dënuar për çdo punonjës.
- Zyra Vendore Shkodër ka nën mbikëqyrje **201** të dënuar për çdo punonjës.
- Zyra Vendore Lezhë ka nën mbikëqyrje **86** të dënuar për çdo punonjës.
- Zyra Vendore Elbasan ka nën mbikëqyrje **103** të dënuar për çdo punonjës.
- Zyra Vendore Korçë ka nën mbikëqyrje **90** të dënuar për çdo punonjës.
- Zyra Vendore Gjirokastrë ka nën mbikëqyrje **80** të dënuar për çdo punonjës.

4. Raportet e Vlerësimit me kërkesë të gjykatës dhe prokurorisë.

Konkretisht për periudhën 01-30 Dhjetor 2011:

- ❖ Janë kërkuar nga gjykatat **46** raporte vlerësimi për persona të pandehur dhe të dënuar,
- ❖ Janë kërkuar nga prokuroritë **35** raporte vlerësimi për persona nën hetim dhe të pandehur,
- ❖ Kanë ardhur **183** urdhëra ekzekutimi nga prokuroritë e rretheve gjyqësore, nga të cilët **47** urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.
- ❖ Ka përfunduar mbikëqyrja për **80** të dënuar me dënime alternative.

Ndërsa në total volumi i punës së Shërbimit të Provës për periudhën 01.06.2009 – 30.12.2011 jepet si më poshtë:

- ❖ janë kërkuar nga gjykata **1729** raporte vlerësimi për persona të pandehur dhe të dënuar,
- ❖ janë kërkuar nga prokuroritë **858** raporte vlerësimi për persona nën hetim dhe të pandehur,
- ❖ Kanë ardhur **4536** urdhëra ekzekutimi nga prokuroritë e rretheve gjyqësore, nga të cilët **738** urdhëra ekzekutimi janë për dënime alternative të dhëna për të mitur dhe **78** urdhëra ekzekutimi janë për shtetas të huaj dhe me vendbanim jashtë territorit të Republikës së Shqipërisë, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.
- ❖ Ka përfunduar procesi i mbikëqyrjes për **878** të dënuar.

II. Bashkëpunimi me partnerët.

- *me OJF-të dhe partnerët.*

Gjatë muajit Dhjetor 2011 ka vazhduar normalisht bashkëpunimi i Zyrave Vendore me OJF-të, sipas Marrëveshjeve që kemi lidhur me to, për trajtimin e rasteve të mbikëqyrjes për të dënuarit me dënime alternative.

Në muajin Dhjetor dhe konkretisht në datën 13 Dhjetor 2011 është organizuar nga Drejtoria e Përgjithshme e Shërbimit të Provës Konferenca Kombëtare e Shërbimit të Provës me teme: "Arritjet dhe Sfidat" me Mbështetjen e partnerëve: BASHKIMI EUROPIAN, UNICEF, OSBE dhe OJF-të me të cilat Shërbimi i Provës ka marrëveshje bashkëpunimi ku janë trajtuar temat "Zbatimi i masave alternative të dënimit me burgim për të miturit si dhe urdhërave të gjykatës për punë në shërbim të komunitetit", "Drejtësia restauruese dhe ndërmjetësimi", "Zbatimi i masave alternative të dënimit me burgim për personat me probleme me drogat dhe alkoolin", sfidat aktuale të Shërbimit të Provës si dhe zbatimi i projektit të binjakëzimit i mbështetur nga Bashkimi European.

Pranë Drejtorisë së Përgjithshme të Shërbimit të Provës, në datat 5-9 Dhjetor 2011 u zhvillua vazhdimi i trajnimit me temë "Strategjia e Marrëdhënieve me publikun". Në të morrën pjesë 5 punonjës nga Drejtoria e Përgjithshme e Shërbimit të Provës. Ky trajnim u zhvillua nga dy ekspertë britanikë Z. George Barrow dhe Z. Darryn Frost.

Në datat 13-16 Dhjetor 2011 u zhvillua një seminar trajnues mbi zbatimin e sanksioneve dhe masave në komunitet ku u organizua nga Këshilli i Evropës në bashkëpunim me Shkollën e Magjistraturës së Shqipërisë ku morrën pjesë 14 specialistët e zyrave vendore të Shërbimit të Provës.

Pranë Drejtorisë së Përgjithshme të Shërbimit të Provës, në datat 14-15-16 Dhjetor 2011 u zhvillua trajnimi me temë "Sistemi i Vlerësimit OAS-sy". Në të morrën pjesë të gjithë Drejtorët e Zyrave Vendore të Shërbimit të Provës. Ky trajnim u zhvillua nga dy ekspertë britanikë Znj. Selly Lester dhe Z. David Atkinson.

Për sa i përket bashkëpunimit me Policinë e Shtetit ka qenë mjaft i mirë dhe frytdhënës, sidomos për gjetjen dhe njoftimin e personave për të cilët nuk ka pasur adresa të sakta, në urdhërat e ekzekutimit të prokurorive.

Një bashkëpunim të mirë kemi pasur edhe me gjykatat dhe prokuroritë gjatë punës sonë me këto institucione.

Me datë 1 Dhjetor 2011 është bërë një takim nga Drejtori i Përgjithshëm i Shërbimit të Provës me kryetaret e komunave të Qarkut Dibër ku u nënshkruan Memorandumet e Bashkëpunimit midis Shërbimit të Provës dhe organeve të qeverisjes vendore të Qarkut Dibër.

Në muajin Dhjetor 2011 me datë 15 Dhjetor në Mat dhe me datë 20 Dhjetor në Vlorë është organizuar nga Drejtoria e Përgjithshme e Shërbimit të Provës Tiranë në bashkëpunim me OSBE-në dhe Zyrën Vendore të Shërbimit të Provës Tiranë dhe Fier trajnimi me temë "Alternativat e dënimit me burgim dhe mundësitë e bashkëpunimit të Shërbimit të Provës me pushtetin vendor". Gjatë takimit u trajtuan tema te ndryshme, kryesisht për alternativat e dënimit me burgim, Shërbimi i Provës, misioni dhe mënyra e realizimit të detyrave mbikëqyrjes dhe asistimit e dënuarve si dhe ri-integrimin e tyre në shoqëri, marrëdhëniet e krijuara midis Shërbimit të Provës dhe organeve të njesive të Pushtetit Vendor.

Po ashtu me pushtetin vendor, ka vazhduar bashkëpunimi i mirë i Zyrave Vendore me ato komuna dhe bashki me të cilat janë lidhur Memorandumet e Bashkëpunimit.

Për sa i përket bashkëpunimit me pushtetin vendor, përveç 144 memorandumeve të bashkëpunimit midis Shërbimit të Provës dhe organeve të qeverisjes vendore, për të cilat ju kemi bërë me dije në raportet tona të mëparëshme, për muajin Dhjetor 2011, kemi nënshkruar edhe 27 memorandume bashkëpunimi me njësitë e qeverisjes vendore konkretisht me: Këshillin e Qarkut Berat, Bashkinë Berat, Ura Vajgurore, Komuna Poliçan, Çorovodë, Kuçovë, Lumas, Cukalat, Vërtaq, Velabisht, Terpon, Sinje, Roshnik, Poshnje, Otlak dhe Këshillin e Qarkut Vlorë, Komuna Gjerbes, Çepan, Bogove, Leshnje, Zhepe, Vendreshe, Qender, Paton, Hysgjokaj dhe Ballagas.

Qëllimi i këtyre marrëveshjeve më njësitë e qeverisjes vendore, është sigurimi prej tyre i vendeve të punës për personat me banim në komunitetin e tyre, për të cilët gjykata ka dhënë si masë alternative punën me interes publik apo edhe për rastet e dënuarve me dënime të tjera alternative për të cilat pushteti vendor është drejtpërdrejt i interesuar me qëllim garantimin e sigurisë publike të komunitetit, riintegrimin në shoqëri të personit të dënuar që është anëtar i atij komuniteti, si dhe ndihmën e të dënuarit për t'u riintegruar në komunitet.

Pra, në total janë nënshkruar 171 memorandume bashkëpunimi midis Shërbimit të Provës dhe organeve të qeverisjes vendore dhe konkretisht me 8 Këshilla Qarqesh, 44 Bashki dhe 114 Komuna. Ndërkohë që vazhdon puna dhe korrespondenca për nënshkrimin e memorandumeve të bashkëpunimit edhe me bashkitë dhe komunat e tjera.

III.-Problematika e punës.

- *Zyrat e reja Vendore dhe ngarkesa.*

Sikurse Ju kemi bërë me dije dhe në kërkesë-propozimin tonë të fundit me nr. 1655/1, datë 04.08.2011, për ndryshimin e strukturës dhe organikës së Shërbimit të Provës, (në ripërsëritje të shkresës me nr. 88 Prot., datë 13.01.2011), si dhe në Raportin Vjetor mbi aktivitetin e Shërbimit të Provës, për periudhën 1 janar – 31 dhjetor 2010, dërguar me tonën nr. 378, datë 28.02.2011, problemi kryesor del hapja e zyrave të reja vendore me vendodhje në të gjitha rrethet gjyqësore ku nuk janë ngritur ende, si dhe ndryshimi i strukturës dhe shtimi i organikës së Shërbimit të Provës, me qëllim administrimin dhe ushtrimin e funksioneve në mënyrën e kërkuar nga ligji dhe arritjen e standardeve të parashikuara në Strategjinë Sektoriale të Drejtësisë dhe SKZHI-së, për Shërbimin e Provës, ku një nga indikatorët është dhe raporti i numrit të dënuarve që mbikqëqyren mesatarisht për një specialist të Shërbimit të Provës, përkatësisht 35-40 të dënuar /specialist.

Jemi në pritje të hapjes së 4 Zyrave të reja Vendore me vendndodhje në Kukës, Mat, Berat dhe Vlorë, të cilat sipas parashikimeve në Plan-veprimet për Shërbimin e Provës dhe raportimeve në dokumentat strategjike për institucionet e BE-së, këto zyra duhej të hapeshin brenda muajit Tetor.

Mjafton të përmendim se deri tani janë në mbikëqyrje nga institucioni ynë 3658 të dënuar, ose mesatarisht **121 të dënuar për çdo specialist**, numër i

cili vazhdon të rritet, dhe që është shumë më i lartë se standartet e vendeve të BE, pa shtuar këtu faktin se punonjësit tanë deri më tani kanë hartuar mesatarisht edhe **94 raporte vlerësimi për specialist**, sipas kërkesave të gjykatave dhe prokurorive, gjë që e bën të papërballueshme ngarkesën e punës.

Duke shpresuar se kemi dhënë një analizë që pasqyron me objektivitet punën e kryer, si dhe një paraqitje të problematikës themelore nga Shërbimi i Provës, Ju sigurojmë se zbatimi i të gjithë detyrave funksionale, rritja e nivelit dhe e profesionalizmit do të jenë prioritete të punës sonë edhe në të ardhmen.

Me respekt,

DREJTORI I PËRGJITHSHËM

ARBEN SEFGJINI

